

Լատին վանաց , և բացեալ խրամ յորմն՝ զեղան քաղմութեամբ 'ի ներքս՝ և կիսով չափ աւարեցին զվանքն . զայս լուեալ գլխաւորացն այլազգեաց , փութացին անդ՝ առեալ ընդ իւրեանս զՇէյխ Օպատար անուն զմն , սուրբ նոցին , եւ հազիւ ուրեմն կարճեալ զձեռս աւարառուաց հանին զնոսա արտաքս : Եւ 'ի սմին գիշերի գրեթէ կենգանուոյն մեռեալ էին վանականք Հայոց : Եւ 'ի վաղիւ անդր ('ի 22 Յուլիս) դարձեալ խմբեցան 'ի մի ասպատակաւորքն՝ և դիմեցին 'ի վերայ Յոյն և Լատին վանաց , և ժողովեցին զմիաբանս նոցին 'ի մի վայր , և անտի հասին 'ի վանս Հայոց , առին կիսով չափ և զմիաբանս նոցա , Եպիսկոպոսք , Վարդապետք , Սարկաւագուռք և այլն , և խառնեալ զամենեւեան 'ի մի , մուծին 'ի տաճարն Ս . Յարութեան և աղիւեցին զգուռն 'ի վերայ նոցա : Իսկ նոքա որք ներողութեամբ մնացեալ էին 'ի վանս՝ կային 'ի մեծի յերկիւղի , և ոչ գիտէին թէ ուր ունի եզերիլ վախճան դառնութեանն : Ապա առին այլազգիք յերից վանօրէից 15 քսակս դրամոց գին վառովի և դնտակի : Եհնա հրաման 'ի ծէզար Փաշայէ ընդունիլ երից վանօրէից 150 քսակս փոխցա , և փութով տալ զփոխանակագիրսն , վանականք անյապաղ կատարեցին զհրամանն :

Իսկ միաբանք որք եղան 'ի Ս . Յարութիւն իրր յարգելանս , մնացին անդ առուրս 170 . ծերունազարդ Զաքարիա եպիսկոպոսն անկաւ անդ 'ի մահիճս , եւ յամրացաւ լեզու նորին . նոյնպէս հիւանդացան ոմանք 'ի միւս ազգաց . իսկ որք արտաքս էին , դեգերէին 'ի դրունս այլազգեաց , եւ պաղատանօք խնդրէին , գոնէ զհիւանդացեալն հանել արտաքս , եւ փոխանակ նոցին մուծանել զառողջսն . այլ չեղեւ հնար , զի կային յերկիւղի մեծի . մի՛ գուցէ պատահիցէ ումեք մահ եւ տուգանիցեն դրազում քսակս դրամոց : Ի սոյն միջոցի փակեալ էր և դուռն Ս . Փրկչի վանաց և միաբանք արգիլեալք 'ի ներքս , չէր կարելի երթալ 'ի գերեզման Ս . Աստուածածնի , ոչ միայն յառուր Կիւրակէի՝ այլ և 'ի տօնի Վերափոխման նորին : Արգելին նաեւ թաղելոյ զմեռեալս՝ իրրեւ զվաղեմի թըշնամի , որոյ վասն անկեալ 'ի դրունս այլազգեաց բազում տղաջանօք հազիւ ուրեմն հաճէին զմիտս նոցա , և առեալ